



21260

kal koma

III

Mag. St. Dr.

P

Josephus.
H. Joach. Propositio ex processu il-
lumi generis, virtutis et eruditionis S. Jos. Rob.
desumpta.

PANEG. et VITAE

Polon. Fol.

№ 1132

2

Ec

J
U
Ju
Co
R
M
SO

FR
PI
ZI

2

PROPOSITIO

Ex Processu Illustrissimi Generis, Virtutis & Eruditionis

Perillustri & Reverendissimi Domini

D. JOSEPHI

GLAUBICZ de Rokossowo

ROKOSSOWSKI,

Ecclesiarum; Cathedralis Poshnaniensis CANONICI, Parochialis in Niepart PRÆPOSITI. &c:

DESUMPTA.

Et cum à

Perillustri & Reverendissimo Domino

D. M. JACOBO

MARCISZOWSKI,

Utriusq; Juris DOCTORE & PROFESSORE, COLLEGA
Juridico, Ecclesiarum; Cathedralis Cracoviensis CANONICO,
Collegiatæ SS.OO. PRIMICERIO, Parochialis in Koniusza CU-
RATO, Ordinandorum & Approbandorum Synodali EXA-
MINATORE, Judiciorum Illustrissimi Consistorii Crac: ASSES-
SORE, Coloniz Academicæ Tarnoviensis & Contubernii Jurispe-
ritorum PROVISORE, Facultatis Juridicæ DECANO.

Præsentante frequentissima Magnorum Hospitum Corona.

In Lectorio CC. DD. Jurisperitorum

Utriusq; Juris DOCTOR,

Ritu Solemni renuntiaretur,

P E R

M. ADALBERTUM JOACHIMUM

FOLTANSKI,

Philosophiæ DOCTOREM, Ejusdemq; Regium ac Tylicianum Eloquentiæ
PROFESSOREM, Collegam majorem, Ecclesiæ Collegiatæ Sanctæ ANNÆ
Zielopolskianum CANONICUM, ibidemq; Ordinarium Festorum SALVA-
TORIS & B. V. Mariæ Concionatorem.

Ad Acta immortalis memoriæ

PORRECTA.

Annè Domini 1762. Die 23. Mensis Decembris.

In Stemma Gentilitium

Pervetustæ ROKOSSOWSCIORUM DOMUS.



I.

Non crudum dicas, non crudum credito **PISCEM**;

Quem bene condivit docta Minerva sale.

Nunc Astræa satis maturè excoxit. & inde

PISCIS hic ad gustum totius Orbis erit.

II.

▲ Capite (est vulgi sententia) **CARPIO** tantum

Laudatur. totus dignus at **ISTE** coli.

PROPOSITIO

Ex Processu Illustrissimi Generis, Virtutis & Eruditionis

DESUMPTA.

Gratis (me iudice) in Quæstionem vocatur
quod Furis liquidi est.

Nonne videretur Solem digitò monstrare,
qui omnium oculis subjectam rem
oculatis niteretur Testibùs comprobare.

Necesse est quosvis ibi silere Caufidicos,
ubi non modò (ut fert paræmia) vulgo dicitur,
sed & os selectioris populi loquitur.

Nonnisi sua dilatant *philacteria*,
qui popularem, ut *Chamaleontes*, captant auram.

Quia omnium sententiâ Princeps metallorum aurum,
ideo etiam percussum filet.

Tinniunt vel àère distenta, vel ære fusa vasa,
quia eorum omnis ab extra æstimatio.

Quantumvis taceret *ebria Helicone tota*, Homeri penna,
Pellæi Juvenis heroica gesta,

hæc, non modò tota, quem capere non potuit Macedonia,
sed ipse, qua latè patet, deprædicaret Orbis.

Etiamsi subtraherent à laudibus Theodosii *Pacati* manum,
bonitatis naturam in Trajano non scrutarentur *Plinii*,
in Gratiano gratias ad calculum non reducerent *Ansonii*,
vel exinde competentis bonis animi gauderent jure,
quia de, & super eorum virtutibus,
nulla usq; hodie Jaris instituitur Propositio.

Az

Ut

SECRETARI,

Ut Illustrissimi Tui Nominis,

sic Virtutis & Eruditionis Tua

Perillustris & Reverendissime NEO-DOCTOR

eò ipso in dubium vocari non possant documenta,
quia hæc non modò in Orbis Europæi annalibus,
unusquisq; legere potest,
sed etiam in Te non sinè admirationis nota videre.

Et ideo;

In prima Doctoralis Utroq; in Jure Honoris Instantia
si Domus Tuæ pervetustæ vellem producere Monumenta,
etiam vicina Regna ad Jus vocare deberem.

Pleni sunt Illustrissimo ANTECESSORUM Tuorum Nomine
Imperiales in *Germania Regno* Fasti.

Tuæ Consanguinitatis Arborem,

amplam & proceram quis non diceret?

ad cujus radicem

per *Silesiam, Bohemiam* cognatæ Lechiadis Gentes,
tanquam Stipites serpunt.

Non postrema Libertatis & Regni hujus facta portio

Tuus Gentilicius, DOMUS pervetustæ *Glaubicz,*

Enimverò;

Non tot ad excidium Urbis Trojanæ

ex illo commendato Vatum elogiis æneo Equo

prodiere Heròes,

quot de Illustrissima GLAUBICIORUM Domo

in Toga & Sago percelebres Viri,

Orthodoxæ Fidei Assertores,

pro Lege & Rege dextrissimi Equites,

per JACOBUM *Glaubicz* de Rokossowo ROKOSSOWSKI,

Thesaurarium Regni & Zuparium Cracoviensem

hoc in Regnum sunt introducti.

Per tot Illustrissima Nomina

diffusam hujus Familiæ Lucem

ille nonnisi vellet introspicere,

qui cum Diogene hominem inter homines investigaret.

Auro Cedroq; notanda sunt gesta factaq;

CAROLI

CAROLI GLAUBICZ de Rokoffowo
ROKOSSOWSKI,
PARENTIS TUI.

Cujus quovis in Magistratu atq; Subselio Gesta,
hac etiam tacente penna
non modò majoris Poloniæ loquuntur Acta,
sed & Orbis Europæi non silent Fasti.

Domus mihi peregrinari videretur,
Qui quantæ sit excellentiæ,
Illustrissima GRODZICCIORUM de Kotulino DOMUS,
in dubium aut quæstionem vocaret.

Toties ad Regni Comitia LEGATI,
ad Judicia hoc in Regno Tribunalitia DEPUTATI,

THOMÆ GRODZICKI Filia,
Tui verò GENITRIX æstimatissima,
vel exinde Cornelis Romanis comparanda,
quòd TE quibusvis Prærogativis parem reliquerit,

Illustrissimi & Excelentissimi,
CASTELLANI Przemycensis, MARSZEWSKI,
ex Materna linea AVI Tui Dignissimi Decora,
neq; attollere, neq; exornare mihi labor est,
quia hæc singula non modò supra Facultatis Oratoriæ vires,
sed & ingenii robur sunt.

Quæ & quanta sit prærogativa,

Illustrissimi & Reverendissimi Domini

D. CONSTANTINI

De Itowiec

IŁOWIECKI

Divina Vocatione

ABBATIS LANDENSIS

Sacri Ordinis Cisterciensis

COMMISSARI

per Poloniam & Magnum Ducatum Lithvanicæ

VICARII GENERALIS

Sacra Regiæ Majestatis

SECRETARII,

non modò Ejus Nomini Honoriq; dicata,
Typis impressa, testantur
& testari non sinent documenta,
sed & insimul *Sacerrimus* CISTERCIENSIVM Ordo,
Quem repetitis vicibùs sui elegerat COMMISSARIUM,
nunquam deprædicare cessabit.

Merentur quidem Ejus Gesta,
protenfas publicæ commendationis panegyres,
sed quis ea brevi in pagina exarare poterit?
quæ non modò in ore versantur omnium,
sed Fastis & Annalibus sunt inserenda.

Hæc dum Historicis aliisq; Oratoribus
& scribenda & deprædicanda relinquo,
silere nequaquam possum,

Quem Illius Majoricæ loquuntur Cives,
Perillustrem & Reverendissimum Dominum
LAURENTIUM de Wybranovo PORAY

S W I N A R S K I,

Ecclesiarum, Archi-Cathedralis Gnesnensis
PRÆPOSITUM,

Cathedralis Posnanienfis
olim CUSTODEM,

Virum de Ecclesia DEI Meritissimum,
de Literis & Literatis optimè meritum,
LUBRANSCIANÆ in illa Majorica ACADEMIÆ
MECÆNATEM & PROTECTOREM Maximum
TUI AVUNCULUM Dignissimum.

Hic ingeniorum Arbiter

Te ut ad quævis maxima in Ecclesia & Patria natum,
uti toties vivæ vocis prædixit oraculò.

sic Virtutis, Eruditionis & Sapientiæ,
quibusvis Infulis parem habet SUCCESSOREM.

Illustrissimæ WALKNOWSCIORUM
& KO-

& KORYTOWSCIORUM DOMUI

quantum ex TUI SORORE

EVA de Rokossowo ROKOSSOWSKA

splendoris decorisq; accesserit,

in tot tantarumq; PROSAPIARUM Nominibus

& videre est & nunquam satis admirari.

Non nigrâ sapiâ,

sed nobiliori notandus lapillô venit,

Perillustris & Reverendissimus Dominus

PETRUS GLAUBICZ de Rokossowo

R O K O S S O W S K I,

Ecclesiarum; Archi-Cathedralis Gnesnensis,

Cathedralis Posnaniensis

C A N T O R.

Prælatorum Norma,

omnis perfectionis compendium,

Cujus innumera ad calculum ut reducerentur Decora

iplos adesse Archymedes foret necesse.

Academicæ Majori in Polonia Musæ

non silebunt sui deprædicare MECÆNATEM & PATRONUM,

& quousq; ad flumina Varta

LUBRANSCIANA florebit PINUS,

hucusq; suas in adorem inclinabit frondes.

Clara sunt in Toga & Sago

de Ecclesia & Republica promerita,

MATHIÆ DAPIFERI Vschovensis,

J O A N N I S

Cochortis hastatæ Exercituum Regni COLONELLI

de Rokossowo GLAUBICZ

R O K O S S O W S K I.

Nimis prolixus forem,

aut ordinariæ in dedicandis panegyribus
vellem præscribere legi,
si omni exceptione Majora,
non modò in illa Majorica,

sed toto Europæo Orbe clarissima Nomina,
MARSZEWSCIORUM, SRZEMSCIORUM,
KOŚCIELECCIORUM, RYDZYNSCIORUM,
PIOTROWSCIORUM, GRABSCIORUM,
MYCIELSCIORUM, KORYTOWSCIORUM
RAYSCIORUM, NARAMOWSCIORUM,
KWILECCIORUM, GRODZICCIORUM,
CIELECCIORUM, CZARLINSKIORUM,
DEBINSKIORUM, PONIKIEWSCIORUM,
BRONIKOWSCIORUM, SKALAWSCIORUM,
RUMIENIEWSCIORUM,
BOGUSŁAWSCIORUM, OSSOWSCIORUM,
ZAKRZEWSCIORUM, ROGALINSKIORUM,
MIASKOWSCIORUM, DĄBROWSCIORUM,
KLECZKOWSCIORUM, WOZNICCIORUM,
KMITARUM &c. &c.

ex Processu Illustrissimi Tui Generis

præsentem desumpta in paginam,
coram Actis immortalis memoriæ,
vellem copiatim producere.

Sunt Illa potior gloriæ Tuæ pars,
quæ dum per interventionem veniunt,

Tui Illustrissimi Nominis
ampliant Processum,

Et si cunctis laudibus exordia pandit,

non

non obscurus Natalium Splendor,
à præclara PRÆDECESSORUM Tuorum Luce
quantum mutuaris luminis,
nisi talpa vel noctua foret,
qui publica Orbis in facie non videret.

Tui Gentilitium GLAUBICZ,

hac Septentrionis in parte
illud cernimus Sidus,
quod Salutares Ecclesiæ & Patriæ præbendo influxus
inter primæ magnitudinis resplendet Sidera.

Ex Te JOSEPHO

Illustrissimæ est ACCRESCENS DOMUI

in Quo juncta eruditioni virtus,
indies majora sumit incrementa.

Sequuntur Te quocunq; iveris publici plausus,
non modò Magno Nomini ubiq; debiti,
sed & Tuæ eruditæ virtutis pedissequi.

Quis fit in ore Tuo lepos,

quæ lingvæ facundia?

quod dulcis eloquii flumen?

vel ipsa Panegyrica testaretur Oratio,

Quam pro Laudibus

DD. Patriarchæ CANTII

coram Infularis Infulandisq; Capitibus

in Ecclesia Cathedrali Posnaniensi

plùs quàm ad TUI Nominis Gloriam,

æquè diserto, ac facundo sermone perorâsti.

Retines eundem erga Musas Academicas candorem

Quem Tibi Lubransciana Pallas,

cum scientiarum instillavit lacte.

Quivis in Tullii campo Tui passus

palmaris erat,

dum quid calcaveras cum Perseo,

rosa Tibi fuit Hortensio.

Sedulam navâsti operam,
ut ea intelligeres singula,
quæ de entis Universitate scripsit *Aristoteles*,
de DEO humano captui reliquit *Thomas*,
in quo rerum humanarum Divinarumq; cognitio,
Clara & evidens videtur elucescere.
Erant jam tunc in Te conversa ora,
de Ecclesia DEI & Patria optimè meritorum,
quovis in Magistratu
majori in Polonia Procerum.

Enimverò;

Quem in Tui æstimationem non pertraheret,
illa in Te morum compositio,
ille animi sine cerussa candor,
illud unicuiq; cor apertissimum.
Eras non modò æstimationi, sed & amorì,
Illustrissimo olim & Reverendissimo Domino

D. JOSEPHO

COMITI de Werbno

PAWŁOWSKI,

In Ecclesia Cathedrali ARCHIDIACONO Pszczevensi
OFFICIALI Generali Posnaniensi. &c. &c.

Jam Te veluti Gemmam illam,

cui vix par quando pretium nâtat

ad Illustrissimi sui CAPITULI

exposcebant Coronam

qui scapham à scapha

lîntrem, à lîntre discernere nôrunt.

Plurimum sibi æstimat animi Tui Dotes,
Virorum PONDERATOR Maximus,
PRINCEPS CELSISSIMUS,

Illustrissi-

Illustrissimus Excellentissimus ac Rndissimus D.

T H E O D O R U S

DUX in Klewan & Zukow

CZARTORYSKI,

EPISCOPUS POSNANIENSIS.

Huic placuisse PRINCIPI,

non est postrema pars Tui Honoris.

Et quantumvis ad ostia *Vartæ*

majori gustâsti in parte,

*quidquid *Tesquana* & *Tyberis* sapiunt,*

*attamen adusti *Urbium Urbem*,*

Romanis è Collibus

scaturientes eruditionis Fontes gustaturus.

Redeuntem Te ex *URBE*,

per vicos, & oppida publici comitantur plausus.

Non potest in dubium vocari

de Tua eruditione & virtute Quæstio,

quæ coram primis Orbis Christiani CAPITIBUS

toto bimestri est ventilata.

Quidquid peregrino didicisti sub Sole

hac Generali hujus Regni in Schola

voluisti publicè demonstrare.

Ex Processu Illm̃i Tui Nominis,

virtutis ac eruditionis

desumpta PROPOSITIO

hodierno, Doctoralis Utriusq; Juris in Terminis,

in litis contestationem minimè vocare potest;

quæ, eò ipsò quod claris & indubitis constet præmissis,

ad rectam sui nihil requirere videtur consequentiam.

Et ideò;

Jagelonica intra Craci mænia Pallas

Cz

non

non modò Magno Tui applaudit Nomini,
sed simul virtuti & eruditioni Tuæ
Doctores Utroq; in Jure Prærogativas
ritu solemniter confert.

Applaudunt Tuo Honori
ut suis Titulis ornatissimi Hospites,
sic & Academici Ordines.
Recipis Utroq; in Jure Doctoribus debita Insignia,
è venerandis Manibus

Perillustri & Reverendissimi Domini
D. M. JACOBI MARCISZOWSKI,

Utriusq; Juris DOCTORIS, & PROFESSORIS,
Ecclesiæ Cathedralis Cracoviensis CANONICI,
Facultatis Juridicæ DECANI, &c:

Viri de Republica Literaria meritissimi.

Jam quidem nemine contradicente conclusum est
hodierna Doctoralis Utroq; in Jure Honoris Instantia,
quanta fuerit Tui virtus & eruditio,

sed quænam Illustrissimo Tuo Nomini
junctæ eruditæ virtuti debeantur Prærogativæ?

per quævis Honorum Subsellia,
nova indies movebitur Quæstio,

cùm ex Processu Illustrissimi Tui Nominis
eruditionis & virtutis desumpta
ad Acta venturæ posteritatis sit

PORRECTA PROPOSITIO.



was

nia,

est

Biblioteka Jagiellońska



stdr0024717

